

Fundargerð

243. fundur stjórnar Úrvinnslusjóðs

Priðjudaginn 21. nóvember 2017 kl. 12¹⁵ – 13⁵⁰.

Viðstödd:	Guðmundur G. Þórarinsson (GGP), formaður Bryndís Skúladóttir (BS) Bryndís Gunnlaugsdóttir Holm (BGH) Lárus M.K. Ólafsson (LÓ) Guðfinnur Johnsen (GJ) Hlíðar Þór Hreinsson (HÞH) Lúðvík Gústafsson (LG)	
-----------	--	--

Á fundinum var eftirfarandi lagt fram varðandi þá liði dagskrár sem getið er í sviga:

- (1) Fundargerð síðasta fundar
- (2) Plast
- (3) Þjónustu- og ráðstöfunaraðilar
- (4) Ársfundur
- (5) Önnur mál

1. Fundargerð

Lögð var fram fundargerð síðasta fundar ([242. fundar](#)).

Samþykkt

2. Plast

Farið var yfir stöðu vöruafganga úr plasti og endurvinnslu plasts, m.a. í framhaldi af fundi/ráðstefnu hjá EPRO (European Association of Plastics Recycling & Recovery Organisations). Úrvinnslusjóður er aðili að EPRO. Einnig var sagt frá fundi með fulltrúum British Plastics Federation í London. ÓK sýndi glærur með upplýsingum um skiptingu plasts eftir notkun í iðnaði og utan um vöru, endurvinnslu plastumbúða og stöðu mála í Evrópu eftir að stjórnvöld í Kína hafa torveldað innflutning á plastúrgangi til landsins. Farið var yfir upplýsingar frá Plastics Europe um umfang plastnotkunar í vöru og umbúðum í Evrópu. Ýmsar blikur eru á lofti er varðar meðhöndlun plasts í Evrópu. Sýnd var verðþróun á plastfilmu sem fer til endurvinnslu í Evrópu, þar fellur endursöluverð nokkuð þessi misserin. Farið var yfir stöðuna er varðar endurvinnslu á blönduðum plastumbúðum frá heimilum hér á Íslandi. Það hefur átt sér stað uppsöfnun á plastefni hjá þjónustuaðilum vegna erfiðleika á endursölumarkaði í Evrópu. Farið var yfir viðræður Úrvinnslusjóðs við samstarfsaðila í Evrópu um lausn á þessum vanda. Stjórnarmenn ræddu stöðuna. GGP ræddi það hvort að breyta þurfi lögum um úrvinnslugjald til að mæta þessum vanda. Er hlutverk Úrvinnslusjóðs kannski of afmarkað samkvæmt lögum m.t.t. þessa stóra vandamáls? Stjórnarmenn ræddu það hvernig hægt væri að meta stöðuna á Íslandi er varðar plastúrgang almennt. ÓK sagði frá því að samskonar umræða eigi sér stað í Evrópu, þ.e. hver er staðan, þar sem erfitt reynist að fá réttar upplýsingar um hverrar gerðar plastið er og plastmagn er kemur á markað.

GGP
B
LS
KÉ
HÞH

3. Þjónusta- og ráðstöfunaraðilar

Lögð var fram á fundinum umsókn frá JRB um að verða þjónustuaðili/milligönguaðili við sölu umbúða úr stífu plasti til endurvinnslu í Bretlandi.

Samþykkt.

4. Ársfundur

GGÞ lagði til að ársfundur Úrvinnslusjóðs verði haldinn þriðjudaginn 5. desember n.k. Staður og stund kynnt síðar.

Samþykkt.

5. Önnur mál.

Lögð var fram á fundinum ársskýrsla Úrvinnslusjóðs fyrir árið 2016 sem er tilbúin til prentunar.

Lagt var fram á fundinum svarbréf Úrvinnslusjóðs til UAR vegna beiðni ráðuneytisins um tillögu að úrvinnslugjaldi á fjölpóst.

Næsti fundur ákveðinn 19. desember 2017.

Fundi slitið kl. 13.50

*Gudrun G. Þórisdóttir
Kjartan Ólafur
Jóník
Guðrún E. Guðrún
Bryndís Þuríðarsdóttir
Bryndís Þuríðarsdóttir*